

香樹齋續集

PL
2705
I378A17
1750
v.11



香樹齋詩集卷十七

嘉慶庚辰歲暮

古意一首

古詩樂府均助於流麗出及今茲體裁各

異而興懷引結旨趣略同惟厚薄耳本乎

風雅千餘年米芾後復難才人故士猶野

語而意亦傳焉使讀者決於其下則工

於其正始之美雖無新詞亦不覺其

新盛自十五而後詩亦在如詩意者不

能與前代無異自漢魏以來詩亦不

香樹齋詩續集卷十七

嘉興錢陳羣集齋

古意一首

有序

古詩樂府均昉於漢魏沿及今茲體裁各異而興懷引緒旨趣略同推原所自本乎風雅千餘年來勞臣思婦才人放士情旣竭而意亦傳焉使讀者淒然淚下詞則工矣於正始之義闕焉無聞

陳羣

遭際

明盛自十五學爲詩歌心知其意忽忽年垂八十思致頽邁無由自振秋夜寂坐默然深會

以爲妻道臣道皆如地道之無成代終受
主恩以貞厥章者也徘徊流連者久之合
比興而歸於賦製古意一篇以存風雅之
致非敢謂嗣響關雎而溫柔敦厚之旨或
庶幾焉後之作者考其代而歆其遇可以
興矣

妾本一寒女秉貞服素絲幼承阿母訓習禮而明
詩偶讀無鹽傳裁爲宿瘤詞獻納握本志奉身何
卑微寶鏡照新裝步入金甌側粉黛無殊姿巾幘
珍連璧千秋邀一言淑慎以自迪君子廣延攬重

德不重色未抒當熊忠

武功備則
猛獸自戢

豈効脫簪職

文德

脩則玉
藉時舉

衆星依日月耿耿分餘光衆星互顯晦日

月亘久長引年謝袞綈終惠敦篚筐內朝家人禮

請謁猶趨蹌趨蹌亦蹢躅幽意尙窈窕顧問一及

之感激陳稍稍扶衰餌朮頒眷舊恩波浩同直及

中涓相見慰難老清淚濕闌干不寐常到曉色衰

愛不移益用感懷抱焚香祝蕃釐默默惟深禱

題沈童子射雕圖

歸愚尙書之孫

萬里扶搖上碧霄生來閑雅屬垂髫他年扈從秋

郊外中使傳宣命射雕

家事吳興是賦詩偶然游藝亦稱奇
挽強豈少穿楊技要養持弓未發時

夜泊沈村晚步用淵明與殷晉安別韻

田家未識面見我聊殷勤
稍遠城市跡一領魚鳥親
不知何年歲長此結比鄰
賓朋諧近局婚嫁及令辰
新穀尙露處舊畛仍區分
輸租後官稅種麥先明春
孤慮感逝水扁舟寄停雲
扶策自爲遣沉吟亦何因
華簪有榮辱野老忘賤貧
願延桑榆影長作昇平人

經旬苦雨伏枕沉吟今日初度喜見日色口

占一絕

壬午年作今補刻

伏枕愁聽積雨聲
曉聞乾鵲噪簷楹
天公似有偏憐意
幽草居然受晚晴

過朱家角訪席敬堂農部
吾鄉陸清獻稼書
先生館於其家敬堂祖輩皆受業焉予爲翰
林時曾銘其祖墓今四十餘年矣復過其居
農部見其二子彬彬然稱其家兒也爲題一
首

陸子談經地軒楹見舊家
詩書守孫子風俗遠繁
華夜蠟明紅玉秋蛇護絳紗
九峯三泖外獨立泛

輕槎

甘信符太守由吾郡調知湖州詩以紀別

君本忠孝家先烈惇國史門才治譜傳初筮屬

司李吏局頻量移所至歌豈弟憶昨來我浙佐郡

已三徙權輿會面時巡典肅陪祀

乾隆十六年予扈從至浙恭代

諭祭先祠君列陪祀故及

石火感年華彈指逾一紀浙右大郡

三繁劇稱鼎峙刺史得其人

宸衷實毗倚君從信安郡熊幡忽戾止政成朞月

中扶良而抑翫露冕春巡農握槩閑課士朝來晴

鵲聲榮調有

明旨父老攜幼穉攀卧雜城市予曰爾無庸守去
僅百里不見茗雪流襟帶連長水守惠澤鄰封沾
漑同一視姓氏早書屏要職惟所使求良於忠裔
殊擢正未已行將庇吾浙部民盡衣被父老聞予
言踴躍各歡喜作詩擬風謠庶以勉君子

賦得溪虛雲傍花

獨立柴門外心空悟入虛雲容移冉冉花影動徐
徐漸與暮烟合真成野老居溪邊一徙倚乘興入
吾廬

賦得遠水兼天淨

得兼字

水天同一色遠勢況能兼萬里長空際三秋野望
添浪翻如練展光澹與波恬去翳雲歸壑無塵鏡
出匳劃開橫雁字矗破露峯尖遲暮滄江上淒涼
此獨淹

題蘇定侯方伯觀循圖

竹萌桃暈蔭南陔行省公餘射圃開循法要閑臣
子鵠持平豫養棟梁材鯉庭曾訂敦詩課矍相遠
呼習禮來佇待屬車陪
法從華林賦就獻蓬萊

查香雨明府雙壽詩

宦海歸來到舊林平生豪宕感沈吟雙攜瑤核千
年熟暫息鵬扶六月陰賦和孟光傳古調饁依冀
缺是知音華堂絃管羅仙樂會見羣真下碧岑

權使薩公魯望所刊楞亭集曾屬予序別來
十餘年矣昨索讀近作則答云予詩未必佳
或可當街頭蓮花落也因戲作蓮花落三首

奉寄請廣長舌下一轉語

三年使節成西笑

魯望視河東離政數年故云

太華蓮花落酒

盃今日姑蘇千萬朶蓮花落後又重開

又是鷺毛下雪時

時屆冬至天陰將作雪也

山塘七里唱新詞

蓮花開與蓮花落此際惟應茂叔知

當年繫馬坐花茵翻水詩成記逼真若以清詞比
時曲笑予亦是愛蓮人

題莊繩武望雲歸櫂圖

憶昨上注日別我指北去經時忽思歸子舍隔雲
樹長安多故人攀手不能住俶裝上輕舟風正蒲
帆暮篋中何所有幾幅贈歸句傳神倩畫師點染
杉青路捧檄固足榮侍杖眞足慕願得金光草長
使親顏駐

詠茉莉

此物豈忘憂炎風半晌稠與蘭添媵婢近枕亦溫
柔膩粉明雙鬢奇香上小樓生衣庭際立爲爾試
茶甌

哭溧陽師相史文靖公用唐張籍祭退之體
兼和其韻

卓哉文靖公風裁何昂昂如蕭邴在漢若房杜在
唐舉止自閑雅謀度必精詳濟美以繩武貞吉惟
含章體和而達順外圓而內方愛才每心折疾惡
必項強往往負倫鑒高論或否臧大旨羞齷齪而
欲扶善良理公有終始治私寡經營親知以急告

量力濟者常施乃性所好非曰後必昌孤露指成
立煢寒倚昏喪酸鹹殊嗜好冰炭融肝腸立朝六
十載清白以自將密勿咨庶事獻善如探囊不茹
亦不吐攝志慕中行從容立不倚典禮肅且明弱
冠至耄耄中外多賢聲羣少也貧賤徒步謁上京
自慚運偃蹇久困舉子場公早入詞苑交我於諸
生讀我所爲文曰可萬夫當公書師西臺而不以
書名相娛或棊槊羅列在書堂看花或接席論文
或聯牀曰交滿天下如君不可量由來杕杜懷飲
食以跂望公性不善飲酌我仍巨觴憐我俸入薄

精鑿時分嘗顧我衣裘敝出縑爲改更雍正八年
夏使秦宣

天聲詔羣亦偕往了不事鋪張公尋移鎮節屬羣
司其成兩河歷且遍庶使仁風揚秦中多令僕推
羣相輩行監司及行省屏立如諸郎指羣語人曰
是國之棟梁公餘偶問俗並騎遊山莊有

詔召羣還羨我

天闕翔歸來守玉署條冰自淒清聯步趨頭廳衣

沾御爐香

憲皇升遐日攀髯共悲涼

今天子嗣位萬年基太平天地呈瑞應人何愛其情
鑒公

三朝老六卿任交并公每拜一命抒誠以爲撐取
士在必得如弋獲雙鵠若沈若浮者鰈也而非魴
豈忍以粃莠而雜於稻秬謂予有同尙相戒斥冗
長偶來典秋官我席亦在傍虛公期明允五緯應
寒芒羣忽遘沈疴公過執手驚

賞賚荷稠疊懸車垂恩光公詣羣話別勤拳復
慨慷羣歸未三載公亦返故鄉平泉但閉門足跡
不到城羣時舊疾發高卧金阇坊弄筆題漫與檢

帖仿時晴公撥蒼頭來曰稍理軒楹約尋昔日歡
憂瑟或搗箏林泉傲鷁鸞 朝廷重老更

鑒公篤棐純存舊眷不忘臣心許臯伊

主德尊堯湯我爲蒼生喜公益不自遑每思平生
遇感激涕縱橫羣昨祝

釐至拜公舊 賜房謂羣千載遇父子秉文綱風
詩非小道照耀於大荒羣瞿然避席曰幸際
垂裳如公一二輩謨弼奏平章旣羣

陞辭後別公理歸程所欣內平日坐可見外成成
功序當退造化若使令一朝騎箕尾神色無荒茫

同朝會哭者自寢塞兩廂哀問到親串老淚眼眶
盈顰縷五紀事中心黯自傷冬夜擁被寐夢聽歸
船鉦晨興使者來遺帛出巾箱含哀和籍韻庶寫
一寸誠傳家有紀載惇史亦張皇攜冊伴鏡具公
靈其來饗

張司業與韓吏部敘二十年中事文昌香樹兩
師以六十年交好中間聚會多而離別少香樹
師以文筆掩功名文昌師以功名掩書法其胷
襟開爽器量涵蓋有同趨者文昌師晚年謂人
曰吾通籍六十餘年交大人先生賢士大夫多

矣直諒多聞未有如香樹者榮昌初聞而識之
後侍香樹師十餘年始信文昌師非輕許可者
讀是詩益歎君子之交有終始如此榮昌謹跋

題以之圖

驚嶺天香露下時童里如蓋湧雙芝好憑月窟仙
人手寫出齋房知雨詞

哭同年沈敬亭光祿

衰齡推輩行侵曉數殘星會面成虛擲論文托杳
冥木牀無賸絹石室有遺經何處呼張丈臨風一
淚零

陳怡亭大令竹栢得其真圖

陳君古靜者晚節澹且淳引年崇樂志諧俗葆天真
臭味託草木竹栢怡吾神本性固足尙虛心殆其
倫清泉與白石科頭一置身把卷領斯致招損葛
天民

題經井齋小影

閑課幽人日幾回檢書臨帖趁恢台晚涼餘事吟
初罷自掃桐陰石徑來

題石顛上人七十初度

課兒曾借短檠紅

金明寺去敝廬最近每率兒子女誠兄弟讀書寺中留客

茶瓜損已公身似青蓮同佛性面如黃葉是家風
黃葉老人法裔護蘭帶雨抽新本種菊迎秋發故叢我亦
年來參授記打鐘掃地悟無功

秋日招宮怡雲方伯集香樹齋小飲用少陵
贈衛八處士韻

積雨乍澄霽爽韻流金商隱葉桂初放著露蘭生
光故人滯南國鬚鬢日以蒼要將沖澹襟易彼冰
炭腸涼風入我牖蟋蟀已在堂門才有二子聚散
感雁行一罷漢嘉守歸計阻遐方一侍二親側晨
夕備酒漿慙去違戾閣瑣瑣謀稻粱肯孤今夕會

而不數舉觴誼敦跡自洽味薄情更長珍重復珍
重此理會微茫

題蒼培從孫秋山採菊圖

少小慕恬澹愛此山人服薄遊步晴郊一訪陶潛
菊心夷致亦偏野曠神自邈悠然望秋山於以媚
幽獨

題默堂小影

敦艮由來不獲身每於返視得吾真科頭抱膝無
人處海濶天空盡入神

恬澹真如對古琴蕭然衣露動微吟眼前誰是知

音者自寫高山流水心

哭玉笥師

卧病謝人事况當積雪晨如何今夜月偏近歲星

辰

用東方曼倩事

經帳虛長藥師門折大椿鏡湖一老去

腸斷謫仙人

一卧西湖上逍遙四十年禽魚洽踪跡翰墨自雲

烟藥種胡僧乞茶經老婢傳平生餘落拓曾未辦

東田

感今還憶昔先後到蓬瀛定分兼師友

陳羣於康熙間同舉

京兆辛丑師與禮闈事被首薦

虛懷似弟兄宛陵真老輩中允晚

聲名

乾隆二十六年先生以祝旨晉贊善賜內府緞匹明年南巡又賜

釐北上奉特

御書匾額

他日修湖志遺編有舊程

上三幸我浙西湖志多出先生手編

題張崑田明府愚髯小稿兼送北上

不用逢人說項斯芙蓉露浣比丰姿壯心偶寄詩

篇裏彭蠡月明夜泛時

聲價才名賦子虛棟花風裏放船初附枝岐麥君

家事老眼期看報最書

席硯農大使吳人也官吾浙構別墅於湖上
時奉其母蔣太君遊覽其間作將母圖屬題

一首

服勤臣職稱餘事展烏私家近扶將易官閑侍奉
宜板輿花柳外愛日太平時勝地

慈雲覆名山湛露滋手栽閒草木獻秀發靈奇他
日

安輪幸深春畫舫移女工呈荈茗婦事課機絲卽
此人間樂行邀

天上知重修湖乘筆應綴席家池擬補南陔什慚
無束皙詞

秋澄蔡丈八十壽

錫類新頒

予誥身詩名德望兩如春菊泉滿貯千齡酒藜杖
雙扶九十人豐樂鄉中傳法曲耆英會上揖羣真
好移百福坊前宅來訪清風便卜鄰

先生所居清風涇里中人

多臻大耋予與先生有卜鄰之訂

題費茂才小影

平生仙侶悟前因譜出叢霄記逼真露冷月明山
徑仄添衣坐待采芝人

恭和

御製元韻二十首

恭奉

皇太后啓蹕幸避暑山莊作

不忘武事與文修先導

安輿勅豫遊要政時咨方妥帖

京師倉庾食貨凡上每遇時巡

有關於民依者必先事籌畫此

次格外加恩尤辦理盡善

輕程鳴蹕好停留

關山雲遞涼初入餅餌風吹香正稠節過天中諏

吉日適符

祖制昔詒謀

聖祖朝幸避暑山莊多在清和以後茲恰符其候

收麥

近畿黃雲齊時節霽雨後捆載婦子忙胼胝足與手農叟候登場田畷夙履晦誰識

九重心佇望亦已久授食當歉時大小必計口遇

歉時

恩旨發倉出粟賑濟大小無添漏者

天顏今有喜爾民其知否旣收尙爾憐官租猶緩

取遠者以車來近者以肩負從臣樂賡吟興會亦

抖擻臣昨諭家兒民勞期善誘

時處所由密雲山口法駕經過

皆京兆所轄地臣子臣汝誠以戶部侍郎兼管京兆事數日前家稟有近畿所屬二麥有秋之語臣批令宜益加詳慎體恤以仰副皇上念切民依至意庶幾勉稱職守

長城行

城蜿蜒兮山崔嵬五丁開後萬夫開因高而成卑
入腴驚鳥不敢窺隴隗秦漢以來戰征地勝負百

劫多成灰丹青爲媒明妃去典屬曾歌通國來早
知來去若平地九千里役真癡騃君不見唱籌量
沙粟可峙陶甄築城山可巖竊鉤小盜多由此臣
佐秋官每訊逋逃小賊得國之侯敝屣是萬里從
多云偷掘長城出塞來跬步耳又不見伊犁新城有

明旨拔達山爲我外鄙

肩輿入西峪卽景成什

宸遊一西指得徑尙平行緣溪旋紆迴肩輿隨導
轉旣隘行復寬坐覺林壑展書堂起爽塏盍勿一
停輦秋意發眞香卽事足清繼怡然飲太和微風

送餘善田盤龍井間縮地誰能辨勝處或神似知
味會一巒縱有十丈塵此際其知免

意入

意入清風明月邊得言忘象豈言詮相鳥薄展當
風勢睡鴨微噴作篆烟動察物情懸寶鑑靜叅道
體悟晴川

皇衷雅與清空遇不用金光自得仙

金光仙家所服草也

登四面雲山亭子作歌

一亭聳翠中峯上諸峯環立兒孫齊喂哺呈奇自
朝暮葱蒨獻秀分高低於此結亭捐清賞宅中作

鎮名可稽遠巖蒼然如出沐近者列缺通雲蹊今年避暑早

莅止

五月望後 啓行
較往時早月餘

幾餘寄爽頻登躋新詩字字憂寒玉天光澹沲飄晴霏極杳古木鬱而互谿訝怪石紛如簇宸襟一豁有餘思墨卿應召爲留題

放鶴亭對鶴作歌

雲龍山人亦名亭

彭城雲龍山有亭宋張山人放鶴處蘇軾有記自來自

去原無情何如珊珊靈囿鶴年年自刷冲霄翎鹿在砦兮猿在檻以鶴較之分疎戚

睿情感焉爲作歌恩旣爾施猶爾歎蒼苔白石常在斯摩空遠去其奚爲

清舒山館

爽薦初涼翠亦舒天開山館

聖人居漾疏香氣留清淑入鏡泉聲悟靜虛

王維詩慢

捲山泉入鏡中筆法簪花傳窈窕詩情出水映芙蓉時晴

時雨蒼生望每到封章

曰慰予

蘭

蘭本王者香秉性自清淑九畹未爲珍數莖生使

獨移隨荔子紅種伴苔紋綠君子際良時幽人豈
終伏出處自有期前定同飲啄內美抱信修皎潔
非違俗願承盆盎寵葆茲芳洲馥

靜寄山房

山房規地得中央締構維欽

祖澤長風俗今爲

仁者里雲山昔是

聖人鄉禽魚草木多真趣茗椀圖書發古香特敞
芸牕延佇望芙蓉朶朶作屏牆

春好軒題

聞說如鵲聖所居

聖人鵲居而穀處言居無常處也見莊子

密陽舊製

想同渠

孔子春居密陽

四時風月從春始萬彙昭蘇應律

初景麗暄和長此似風淳皇古悟真如

皇心默會麟經旨首重王正特筆書

閱本

皇巡勤視事計日到封章况此山莊近馳來本報

詳

行在封奏每二日一至隨後所司先期皆集謂之接本報

一人親決裁

去聲

先務重農桑懷保承

家法欽哉茲益慶

移松

昔聞道人言種松看松長今茲欣得地

天恩感浩蕩冲霄他日期了不事勉強尺蠖屈始

信

平聲

散樗壽可養始識棟梁姿亦賴清曠壤根蟠

漸結束頂摩日高敞深春花自飄長夏陰亦廣願
與野鶴盟一遂尋巢想

聞京師得雨志喜

望晴還望雨兩願期兼成一從遇潦後畸重每期
晴天公曰有待甘澍仍時行

皇誠勤默禱宵旰衷自縈燈花昨夜卜報雨來玉
京所欣兩念慰憂勤爲民生勗哉京尹職副茲望

歲情屢豐自今始

睿慮惟持盈

除草

松栢得天厚冰雪各禦攘
彼草亦何爲滋蔓徒自
枉王政申薙氏如奸豈容養
連朝事芟夷坐覺林
亭爽地道本廣生雨餘猶自長
寄言稂與莠勿作
緣隙想

夜遊山月歌

不夜非銀燭上嶺清光自曲曲
穩坐非玉輦珊瑚
鞭下隨溪轉佳遊今夕宜成歌
最移情處原無多

人間縱有定方嶠天上除非是大羅乾隆癸未二十有八載乘興而遊比之大羅方嶠興亦倍良宵秋澄白與五際會佳山霽澹不用一錢買鳥呼名而啾啾鹿求侶而呦呦泉聲瀑韻非筇非篴遇之無心致必逸求之有意終無術卽之愈稀挹之不竭娟娟一輪又穿翠微出斯境斯遊略可記憶數髣髴攝之最高盤之中盤古栖霞最高峯田盤之古中盤歌臣曾奉勅恭和孰知駕言出遊遮羅邊

庸作直與勝地清歌同入譜臣雖衰朽興不窮願
呪賜杖條忽變化爲蒼龍乘風飛到舊時扈從

地一躍 賜馬隨

玉驄

臣隨從至避暑山莊閱今將二十年矣時拜賜馬尙存

濬溪

昔聞黃流所過水必淤神禹治之利用疏北河轉
漕沙易漲年年剗淺爲良圖

御園濬溪推此理雨過溪面泥平鋪縱復閑企翹
足鶴安能澄見掉尾魚溪光不日開鏡面小試濬
瀾規新模呼名水鳥夜來宿叢生小草茜蔓于中
所積淤去淨水不溢其義或可視斯乎

學古堂

學開千古傳殷室

古帝王言聖學者自說命始

天授吾

皇夙紹聞

聖又多能猶自敏事惟師古始爲文周情孔思承

先覺

武烈

文謨誦昔芬早見屏書無逸訓由來宵旰不言勤

反白居易陰山道樂府兼用其韻

陰山道陰山道古來廷議修和好和戎兩利在貿
易蠶食桑兮馬齧草縑成嫌薄馬嫌羸况復蹄穿
僅存皮白家新調慮短匹豈識太平有今日我

皇廟算必萬全奚止規十得六七料量工價憫夷
苦馬市通時各點數黠夷遠近盡納款縱有狡詐
無使處敬修三事和且敦一誠所格萬里論凝
命時幾復時勅重門洞開如矢直流沙西極太一
况貢道年年看絡織西師旣撤經數載尙衣使者
添供綵嫫祖効靈海禁弛年來江淮以南蠶桑有收並弛新絲出洋之禁
絲人染人工亦倍邊旣寧所獲多試問古來司市
者以今視昔今如何

趙霖畫唐太宗六馬圖歌

昔聞曹霸畫馬曾奉詔後來有宋王孫各神妙

前霖

後孟頫皆宋宗裔善畫馬是圖六馬矜權奇雄姿逸態無勿肖

四十萬匹皆吾師非如孟頫身墮馬胎始一為頫

畫馬必身作馬狀令觀者稱似始下筆

幾餘發興振天藻百九十九驪珠垂元韻百九十九字右

行左行分次第考之金石真倒置鑒古貴不泥於

古肯以拘文致牽義以上六句恭繹御製及註中意由來草昧起

真人英雄百戰必身親昔云一匹可敵萬論功足

當社稷臣大明宮神舌豈斷斬妖蕩氛為已亂用孫

樵賦中事馬於是時助神力與人一心平國難傳神却

在阿堵間雪花點點桃花殷帆立不動如琢石因

中見骨方稱難君不見是兔皆赤魚皆白衆工紛
紛下顏色

御題可作金鏡觀公麟有知當屏息

往時於名人題畫諸作最愛蘇軾號國夫人
夜遊圖駘宕鏗鏘若不經意者音調絕佳篇
末陳隋爲鑒可稱得勸誠體今恭釋
睿製考據精核寫唐宗英武事從馬上得之且
謂垂示後世俾知艱難與貞觀守成不易之
論自然印證怡俱就畫圖中觸發况雷塘疎
逖又不如天寶之切近而著明矣其高出眉
山處自有能辨之者

香樹齋詩續集卷十八

嘉興錢陳羣集齋

春帖子詞

三葉

堯階萬迎春

愛日長朝元來萬國萆祿自穰穰

六幕歡騰九敘歌豈惟

臣

里誌嘉禾我

皇永錫康年福祿黍

天教歲歲多

化日舒長當累洽昇平甲子恰重周扶鳩好獻

堯封祝萬六千春海屋籌

我朝自甲申定鼎迄今百有廿年自茲萬億

十歲丕扇淳風臣竊願附封人之祝云

首春得次兒汝恭從沭陽所寄家稟內有少

師楊方來漕帥巡視海州見示三絕句訓誨

諄切情見乎辭先生以公孤位望獎勵卑末

一至於斯固推陳羣交分視如猶子而敦也

下吏俾小子有可造就實君子樂育人才之

盛心也因次韻寄謝兼敘兩載別緒

寶舟跪送儼神仙尙食同頒中使傳

廿七年三月望吳江道上

恭送聖駕回賜食兩載故人淮海月昨從千里惠書

箋

蜀中王生汝璧下第
回浙承惠手書存問

衰年著讀笑書淫

昌黎詩有我老
著讀書之句

課雨量晴冀免

禮公亦先憂吟詠在江湖廊廡本同心

弄筆都教屈宋衙詩成未要向人誇家兒何幸陪

騶從韎鞬曾沾瑞雪花

汝恭和詩有冬來幸得豐
年兆隴上頻飛六出花句

附
原作

楊錫紱

飛來鳬舄吏如仙翰墨風光寶世傳記得海城

殘雪夜琳瑯五字落瑤箋

昨冬海城把晤
曾和予殘雪詩

沐水西傾勢汜淫青伊湖畔歲爲禊講求到海

疏通路尙暉郎官夙夜心

官書夜治曉參衙爲政風流孰可誇但使桑麻
盈四野不須滿縣種桃花

人日阻風杉青牖與喬仍菴世講連楫而泊
招至舟中夜話感舊述懷兼示令弟頤菴孝

廉

雪色入春寒帶雨風更力鄰舟已不前我櫓如退
鷁船尾相衝撞迎岸同墨食有客裘蒙茸秉燭來
一覲始知巾上賢汗漫遊南國握手訝鬚眉接談
今昔當年孔李交白晢侍几席一瞥將三紀別
意等山積石尤如有靈介此千里跡征帆或少遲

我心庶以懌寄言與仲氏努力培雲翮由來冲天
飛視茲六月息

贈任生

名大椿爲吾子庚辰典試江南所得

任生善學者往往會瀝液曾攜所爲文謁我林栖
宅三日但對面無以爲生益生故益依依恍然若
有獲三年不相見南宮復點額我船泊胥江忽來
扣舷客過船主默然又出袖中冊煌煌樂府詞大
雅中程入扁舟隨我歸繫纜門前石伺我神稍恬
請益無逼迫七日乃告去予復不忍釋生如春谷
泉流出自湜湜亦如大璞完蘊真外雕飾生行何

以贈聚萬惟自擇執手日後期見爾雲間翮

題王顧亭探梅小影

北宮父子雄詞場

東萊宮怡雲父子皆能詩格調在新城秋谷間

運斤秉

臬宗漁洋爲言晚近得益友西溪深處瑯琊王王

郎抱性何軒豁耽書更愛林逋骨

曾見予書購之曰東坡評林處

士書書似西臺差少肉此書近之

梅花開時便獨往一領鐘衣踏

香雪近梅倔彊多精神遠梅縹緲烘晴雲吟髭判

斷還未斷芒屨欲穿猶未穿磅礴不歸日將夕細

嚼梅花當晚食早洗人間萬斛塵相對此花無愧

色

宮守陂郡丞以侍老親留子舍數歲從予遊
間論詩脫去時徑與言政事頗識體要其弟
虛谷罷漢嘉守歸請於父願侍奉二親且遲
上注其遣兄去矜謁選人際茲 明盛分當
効犬馬報或博儋石糈少供饘粥不亦可乎
二親領之諏日北上予與怡雲友也守陂有
一日之知遂置酒取別仍用去歲秋日集敝
齋小飲用少陵贈衛八處士韻

人生貴朋侶出處相與商子抱濟時器曷勿觀國
光爲政保我赤要在凜彼蒼好將清淨理一浣塵

俗腸記歲辰在寅謁我於壇堂愧無以進子飲焉
弟子行文章本小道致遠泥通方箕口不簸物斗
柄不挹漿飫德敦孝弟愜性非膏粱別筵今再舉
聊厚勸豆觴此去路云遠此意情更長關河一綠
草執手何茫茫

恭和

御製石芝元韻

弱質先承鐵網羅敢將白賁貢

居那林栖未上珊瑚市

鬱林郡有珊瑚市海客市珊瑚處

估客曾

逢瑪瑙坡

臣曾遊孤山遇一海客攜此人爭購之頗居奇不售叩以得自何地云出外洋

數次偶得之耳臣見其密麗天然不施雕
鏤愛而購之孤山有瑪瑙坡見西湖志 織似鮫

綃紋疊疊裁如仙佩影娑娑自從

天藻標題後水府靈莖永不磨

昇平德產自充羅珠樹呈祥受福那

筆起雲根驚海客盆堆雪浪笑東坡芙蓉出水姿

逾妥鸞尾傳神致更娑六七年來三拜

錫年來拜賜御書墨寶三一橋梓圖二天然竹如意圖三石芝圖筆墨神奇自然貴重觀者無

不歎服天然都不事雕磨

附

臣子 臣 汝誠恭和一首

甌出祥莖帶海羅願申葵頌福維那敢希

虞藻徵珠樹旋拜

軒圖授玉坡

水經注載具茨山有軒轅授芝圖

輝挹雲霞纔

拂拭奇傳烟雨幾摩娑

臣父陳羣家信中云得此芝後集里人觀之皆以為

奇

今果邀

延年服食同叨

眷小草依榮感不磨

昨秋蒙賜木蘭所獲鹿批答中有服食延年以俟清

語之

送黃簡齋廣文歸關中

鴻都講席啓關城環立屏牆不記名

予曾奉使宣諭關中公

餘執經問業者甚衆廣文同其兄懋德亦與焉問字當年君最少今過五

十作先生

曾爲吳市吹簫客去作灞橋踏雪人一棹南湖來
話別白頭無語獨傷神

題簡齋廣文哭侄詩後

前有平原後退之一番展讀一番悲衰年枯淚誰

教落吟罷黃生哭姪詩

世儒以退之祭十二郎文方之諸葛出師表李密陳

情表爲有關倫紀不知平原一門忠節其祭姪文既哭其兄又哭其姪憤痛交并於戎馬倥傯中宜其與日月爭光也至其手稿真跡予曾於華亭王少宗伯家見之臨仿數次

讀循良傳漫題

河南守吳公

何妨傳姓不傳名聲價長沙倚共成不獨治平稱

第一漢廷經術首西京

蜀郡守文翁

石室堪居弟子行業成躋躋復蹒蹒尊崇聖道移
風俗文黨功應先紫陽

左內史兒寬

古義由來可決疑民間濶狹盡裁之誰知擔負牛
車者卽在吞租不入時

小黃令焦贛

增秩仍留拜諂新奸邪不發小黃民從來學易其
知盜延壽方稱善易人

京兆尹雋不疑

博帶早驚直指使引經還折大將軍同時嚴雋皆
賢母賢否惟憑悲喜分

御史大夫魏相

戍卒三千願復留河南老弱奉書投狎兒驕子多
迴避始信弱翁是憲侯

京兆尹黃霸

道旁烏攫守先知尋繹相參隱者誰明察溫良爲
體用調停此際費深思

右扶風尹翁歸

香樹齋集卷一
賢才自薦古來同擊劒家居氣亦雄用吏何嘗爲
吏用至今人說右扶風

京兆尹張敞

案事偏於五日操制魁滌藪起重轅由來宵小多
囊橐掩卷爲呼張子高

上郡守馮野王

兄以行能歸衆譽弟多恩貸得民心左將軍後三
公望大小馮君盡國琛

家稼軒司寇賦呈四首次韻爲答

澤蘭發國香本性懷澗谷荆璞旣見知舉世欽鎮

玉眞賞非干譽至珍不震俗一掬雖未盈鑒茲芳
洲綠譬之善歌者終使人間續此際杳難傳側耳
聽郢曲

殷勤復殷勤不盡故人心執袂復執手但自餘沉
吟人生貴儔侶試聽求友禽弄晴一整翮寄興或
棲林不知天邊羽俛焉猶相尋吾衰感深致佇立
懷好音偶然於此遇終隔雲路深移情立海上一
鼓烏欽琴

寥寥千載中靄靄一日知唐棣爲寡恩關雎乃善
思宮中奏雲韶四海膠漆滋試看雲間月夜夜照

深幃雙魚識此意強飯爲致辭

獨立一懷人灝然感風露我生行自寬戚戚徒自
悞顏色有悴榮心期無新故感君千尺縑表此平
生素別後結遐思悠悠領斯趣一讀一起予庶以
托深悟

附原唱

維城

鬱金有真香豈必產崖谷移根託謝圃所愧非
蘭玉 夫子扶大雅冰雪洗凡俗薄采籬下根
未遺庭中綠春風天際來芳氣倘相續傾耳雲
海濤可憐人間曲

湘漢一萬里不盡騷人心如何芳杜曲徒有秋
蟲吟鳳凰九層臺毛羽驚凡禽歸昌不世出四
海皆瑤林倦翮偶一憩雲路還相尋時於五湖
外仍作三山音碧樹已霄漢瓊島青春深誰能
最心賞

茅階五絃琴

國風解好色此意君子知自非明月懷焉結霄
漢思一語溯惠風陽春滿華滋誰云

九重遠不隔雙羅幃芳草有遺怨拙哉兒女辭
卷施一寸心春色三霄露潤以太古風恐爲朝

華誤繇英鬥明艷未暮顏色故五彩爛晴霞由
來本芳素微情契蘭若未竟幽人趣一卷付青
童雲箋冀深悟

乾隆二十九年四月八日宮保望山尹公七十
初度前一月有旨令於生日前進京隨
晉綸扉仍命節制兩江殊榮異數史冊罕
有朝野傳聞稱爲盛事同館老友錢陳羣製
絕句十六章卽用相國紀恩詩元韻

多說三皇世似春先生福命本天人浣蘭瑞叶爲
霖瑞浴佛辰同生甫辰

入相公歸尚秉麾南州父老有前知

先生枚卜提聞江南父老

僉云天子仍命總制三省已而果然

閑將運會推名世五百年中

此一時

帝室公孤倚重臣韓公雅自任經綸

韓魏公元勳盛德樂道人

善獨不以經綸許人往往自任

由來變理非容易翊贊昇平愛此

身

萬幾紛牘比恒沙理國忠勤似理家中外救寧歌

帝力須知相業在桑麻

熙朝典故夙曾嫻四十年居瓊頤間雪鬢蕭騷猶

話舊

玉皇香案昔同班

先相國充會典總裁時陳羣以編修分任編纂後與先生前後

充日講官

賜杖曾攜秋正深六朝山色一登臨主人早勅開

鈴閣不繫舟邊許重尋

前歲兒子汝誠典試兩江請訓日蒙恩命陳羣

於揭曉後赴江寧與臣子相見時先生以勾當公事星馳吳下尊壺首行命婦張夫人遵先生諭遣諸子來起居予亦入署得遊林亭夫人設茶果于不繫舟見餉不繫舟上御題賜額也

故事鳴騶到玉池

舊例大學士由翰林出身者到任日入院坐聽事中堂先生以

雍正元年館選由侍讀累遷至今職

紫薇花映萬年枝番夷他日瞻

顏色拱手傾心却立時

用文潞公事

特頒典禮應昌期璀璨

龍章為錫禧

御書章平介社四

字匾額

無量恩輝無量壽一時普照荷天慈

新築白沙連邸第早占黃色上天庭兩朝公輔臣
規在物望多推張九齡

翻階紅藥正芳辰節鉞頭銜拜命新朝野同時相
慶賀豐亨大有歲書頻

我老狂吟興復加閑來有夢到栖霞三年前事猶

棖觸未得同遊僧紹家

壬午秋先生遣弁來邀云當會于最高峯上及子入

山則先生已公出未得如願

呈士醫書莫漫論

九重霽語卽春溫回思十二年前事曾拜

天家再造恩

陳羣於壬申夏忽遘沉疴蒙聖恩遣醫賜藥高厚難名淡月未愈力疾

至

御園叩懇解任調理上詔見慰諭良久即

賜以

詩有庸醫無大藥句又有憐汝身日羸壯汝

神猶鑠句

命痊可後遣官送還里門又出奏

厨所製粥連進二甌

神漸安自是病得減瀕行奏

辭又賜人參及各種上藥

閱今十有三年將八十

上賜詩有聞說香山步似飛句此後延息皆

聖

主之賜也先生詩有應知馬齒皆

天賜句故并

及之

老健堪居親近班方行臨水復登山前休欲溯殷

周盛伊呂真成伯仲間

嘉猷入告必書思造膝康侯三接時清暇濡毫賡

帝作先生餘事愛吟詩

風飽湘帆穩似輪年年述職觀

楓宸臣心皎潔如明月上鑒

皇衷下鑒民

每聞 召入便遄飛雨洒征塵風颭旂誰可代公
勞

聖慮黃扉雖近且遲歸

原作附

尹繼善

好景尤多在晚春

帝心垂眷古稀人數千里外來 溫旨特許趨朝

爲賤辰

三十餘年擁節麾寸心無補寸心知河頭驛路

星馳日已是

深宮注念時

端揆由來藉重臣
薄材那克贊
絲綸

聖明自是優年老
老矣無能愧此身

舊沙隄上築新沙
似此

恩榮有幾家
說與兒孫須努力
兩朝父子領黃麻
經術家傳詎素嫻
韋平虛譽播人間
翻階紅藥
清嚴地恰列先臣
舊坐班

蓬閣曾游院宇深
花磚日影紀經臨
那知四十年前景
白髮蕭蕭得再簪

喜見華簪集鳳池後先爭發上林枝

至尊亦自榮臣遇親向瀛洲到任時

初度欣逢浴佛期

帝恩特爲錫蕃禧頒來無量旃檀相長對金光拜
聖慈

寶翰叨承凡幾次久看瑞彩耀中庭更蒙介祉

題新額

御賜韋平介社四字匾額

蒲柳從今望永齡

曉日瞳朧正向辰謝

恩爭看賜衣新微軀何幸榮華袞拜舞還慚顧影
頻

仙厨玉饌 賜交加稽首擎杯泛紫霞贏得都
人誇盛事無邊寵錫自

天家

命數評推奚足論延年

聖諭藹春溫應知馬齒皆天賜鴛鴦難酬秣飼恩

舊有星士推臣命數得年六十四歲上謂
臣壽必不止此嗣後皆恩賜之年也

入直長隨禁侍班從遊看盡好溪山年衰步履
蹒跚甚時在

龍顏顧盼間

秘閣幾餘發

睿思正逢霖雨滿郊時不嫌禿管無生趣也許濡

毫作和詩

陞辭千里返征輪回首雲霄隔

紫宸入覲躬承無限福還思分與兩江民

南國春初望

六飛喜聞父老逐青旂承

恩已許依中禁將傍鑾輿扈從歸

題索方伯小影

宦跡三年晉水涯公餘曾訪叔虞祠

水經注唐叔虞祠際山枕

水上結飛梁左右雜樹交蔭圖景近是

展圖聊用相娛慰猶記尋梁

憩集時

纔過強仕閱清塗宣布

皇仁無處無多少
茆檐勞遠照牟尼一顆一明珠
茗事頭綱龍井泉
科頭獨酌致泠然
官文鎮日能遮眼
那禁吳山到面前

可許高松同本性
還盟翠竹比虛心
五雲多處絲綸下
早見蒼生倚作霖

耳鳴將十年矣近復目眩
仲夏舟行夜坐船窗口占

耳內蟬方噪
船傍蛙正鳴
矇矓看月色
雲水未分

明

與采芝山人奕

有序

山人名亮吾郡右族汪氏女父叔兄弟爲
郡守郎官咸有治行幼閑嬾德能詩餘藝
皆以專授呈能適費茂才南喬杜門偕隱
自號采芝山人讀予香樹齋集愛之願受
業爲弟子予嘉其才行未之辭也乾隆甲
申清和廿二日過予齋與予對奕二局各
羸半子時老妻病初起及諸女幼婦作壁
上觀歎爲絕藝山人笑謂予曰亮十五六

時曾閱諸譜今忘之矣問能琴否曰吾手指甲長一二寸許不忍去也意前身豈衛

博弟子耶

昔登太華峯玉女不可見中道訪衛博崖谷絕攀援側耳仰雲中棋聲聞仙館謂當松下逢招手揖佳羨倦來坐幽磴假寐攬霞幔空際聞落子姑婦各爭先自慚頑鈍根小數且無分一從病免歸寄興時布陣橘中有餘味外喧更何恩茲豈可藏身遣閒聊用遯家累仍撓寧塵事况相空山人名家女幽秉慕蕭散結廬枕春波耽隱莊鴻案學畫師

僧繇

徵士張瓜田曾授山人畫法

俗派多盡浣愛讀老夫詩朗

誦日幾遍願執弟子禮稍稍贊文玩兩拜列後堂

談鋒亦雅健試以架上書答問頗貫穿幼女拂楸

枰對局請一戰

予七女汝哲知予嗜奕請山人爲予手談

吾衰猶技癢

旣駛復踈卞山人不假思隨勢自轉換雙鬟報局

終神色有餘善一再互勝負輸子各相半因之記

昔遊垂老始此面時節晝方永輕風散甲煎斂容

爲推枰窗前日未盱翻笑采樵人手中柯已爛

附和韻

汪亮

錢鏗商柱史可想不可見射潮頌武肅狂瀾一

手援彭城苗裔賢清望領六館側聞母訓嚴

郝鐘世所羨

吾師幼承太夫人教

傳經復敦詩朝野仰韋

幔紅餘寄繪事妙筆誰能先亮也樗散材守拙
任天分行踪鵠繞簷生計蟻施陣近遂卜築心
俗情不教恩衡門樂太平匪曰耽嘉遯展卷大
樹陰清涼遠塵坱先生臯夔侶養疴類閑散晚
栖履道坊舊侍

玉皇案烟霞酒興濃冰雪詩腸浣偶爲名勝遊春
蚓題痕遍嗜好殊酸鹹卷軸足珍玩樞趨賜
杖傍精力喜強健敬聽玉屑霏如珠一一穿遣

興捲疎簾手談助茗戰彈琴或遇鍾抱璞無嗟
卞丁丁落子時金井互變換談笑解重圍清風
泠然善兩局較盈絀微茫各爭半轉憶王積薪
聞響再覲面葵榴照眼明活水茶鎗煎對景發
豪吟午橋日未旰啓筵揚仁風墨華雲錦爛

題舊袍

著向人前誇奕奕曾從馬上想駸駸作書墨點多
沾袖感逝啼痕半上襟長短隨時終不改瘦肥由
我亦能任松釵竹桁惟相伴縱有名山懶去尋

次韻答鎮之王壻

朝來伏枕但耽吟結習終當好自箴
畫篋乍分新賜葛藥籠檢與舊頒葠
偶攜謝客遊山屐誰解文園病渴心
我老惟憂曠安宅相期一叩話深沈

快活和白樂天韻

八月三日燈下喜王壻鎮之兄弟夜過偶
閱白香山詩讀至快活一律笑曰是何足
快也鎮之曰快活二字只就各人地位言
之香山境遇岑寂只一生詩酒聲伎園林
山水討生活耳若丈人爲之當更有真樂
也予不欲虛其意遂和一首並錄樂天詩

合爲一冊寄大兒汝誠孫端兄弟讀之以

自勉焉

讀書氣弱神猶健

憐汝身日羸壯汝神猶鏢

十九而讀書不倦此皆聖恩再造也何日忘之酌酒逢秋意似在放漫要

全麋鹿性慈祥爲養宰官身飯餘愛聽棋聲響吟

罷偏於蟲語親說與兒曹須努力待看頭白作閑

人

平時誠兒聞母病擬乞假省視今豈可此際自

有快活處惟惴惴然瞿瞿然不敢太康或可尋真樂也若曰傲古人以未經則我豈敢

鎮之壻每隨其兄士會過予劇論詩文上下

古今多所衡評夜分不寐予亦無倦容非所

呈詩託意感遇頗見沈邃探其韻答之夫詩
以言志志抑則沈沈而不發乃其意深矣
雖然竊有爲兩生進焉士生寒賤又未遇多
愁歎羈孤之感退之且不能免况其他乎予
自十八歲饑驅出門依婦翁植義編修俞公
於京師命助編摩事冬無裘晨興作楷手龜
裂微行背人入窮市以青銅錢三百僅得皮
袖手自綴於絮袍覺微暖明日抄書如故然
爲詩稍近悲愁卽自斥去今二子遇與予相
埒而詩文灑落不蹈古人居貧習氣予甚偉

之生際良時貧賤固可恥拔茅彙征恥且不
久憂何足云讀予詩或更有得志之所在遇
亦隨之予詩其左券矣

愜慮會澹泊可遇不可卽至理誰爲詮善悟惟默
默中道絕攀躋獨立企真得明明入予懷豈事求
聲色由來感知音披露情自極情極欲何之振彼
雲間翼講德陳宗風一播中和職士會兄弟蜀人故以爲勉
崇明海隄告竣紀事

谷王雄東南於廓天地交鑰鑰束巖邑桑田重遠
徼所貴海諸侯清勤察生耗我

皇厯民莫睿慮靡不照河渠與海防周諮必親到
大吏敬敷宣水靈各順効崇川沃壤區環混江海
澳井絡高建瓴萬馬放騰趨歸墟互吞吐潮漲日
奔激叶彈丸峙羅星沆漭扼樞要鯨呿鰲擲餘往往
困陵暴及今凡五遷安瀾纔稍稍仁風噓巨壑
重譯通舶趨溲溲外拍天妥帖內藏奧吉貝蒸雲
霞夙沙連井竈邇聞大令賢愛民如杜召沙溲悉
究心溝洫早輸漕捍禦衆成城豈弟神所勞長虹
亘濛瀼天吳靖戾拘海壖十萬戶衽席安不掉耕
鑿樂阜康飽暖全啄菹祈蠶沙戶歌踏浪漁兒笑

不知帝力忘但覺恩波浩作詩紀其事聊用傳海嶠

薤露歌爲查浦侍講前輩賦

一從丹旆返咸陽踣地仍依履道坊兄弟友生風

義在月明時有鶴翱翔

東坡別子由詩豈獨爲吾弟要是賢友生先生自言

曾師事伯氏初白

桃李曾留三輔春平生種樹悟前因卽今誌墓兼

題祔似證當年步後塵

先生曾任直隸學政今墓誌出海寧相國文勤公手

昨令子查學查開兄弟邀陳羣題祔兩人皆後先視學畿輔

清風長對碧山岑水曲橋遮深復深此日蓬萊蘇

玉局也應一笑寫遺音

書法多傳黃絹碑每逢勝地輒留詩當年

畢罕遊蘭若曾

賞先生春蚓姿

二十二春上駐西湖金

蓮池上見先生書韜光禪師答樂天詩元韻有何藉海寧稱好古茗華重見碧峯前句註云詩爲海寧查嗣

禪書

三翰林詩

翰林皆名家子予與厥父同官友善各抱

雋才有聲詞苑受知

主上朝右老輩數後起英彥咸屬望焉十餘年中

先後棄世悲三子之脆促躬遇

昌期不

克表見作詩閔之昔顏延之生五君之後
景慕其人借以自況皮襲美七愛則又各
標名色以美前休三子聲名初起年壽不
永他日有心世道者揚詡幽滯或於老夫
集中採拾一二用光國秀庶不虛歎逝存
舊之深致云

蔣麟昌倉場侍郎曉蒼公長子予官京師
時所居接衡宇麟昌年十五能文工詩予
決其早成二十成進士授編修一日輪班
直·御園

上出御製詩十首命和筆不加綴移時立就

上拔三卷則麟昌及沈歸愚尙書裘叔度侍郎也

麟昌沒二十年操觚家猶錄其館課膾炙

人口云

東壁聞書聲隣並毘陵蔣蔚然露頭角高唱青雲

上應

召直 御園賡吟邀激賞同班擢三人裘沈今存

兩斗黍無餘炊錦囊留逸響楚老一長歎獨立已

神往

裘麟叔度裘侍郎長子予典試江右所得

士年二十試南宮座主錫山秦大司寇奇
其文歎曰章羅再生矣數年前香樹司寇
典江右試所得元卷陳奉茲才氣高老久
困公車此殆是耶書榜時猶以爲言及拆
卷則麟也又拆數十卷奉茲名亦與焉於
是在公座者皆狂喜歎新榜之得人而益
知予衡文之不爽也入翰林一日

上御門聽政麟侍殿西墀下

上顧而器之性孝友尤篤於師門予於壬申夏忽
邁沈疴麟間日趨侍尋假歸出國門時同

朝祖餞者二十里予病雖少差頗不耐勞
頓麟與兒子汝誠扶掖至潞河未嘗少離
左右辛巳予再覲

楓宸麟辭世已浹月矣寒夜不寐歎逝詩成不忍
終讀也

端居落老淚悼我豫章裘十五中乙科名字宰府
收二十成進士主者賞不休

帝眷名家子嘉獎超等儔麟生直 金殿麟去歸
玉樓人間與天上今古爭文修歟我藥籠珍此恨
惟悠悠

田玉成吾師陽城相國孫退齋少宰子幼
與予少子汝隨汝豐共燈火讀書後侍少
宰歸里詩文綽有家風館選尋授檢討益
肆力於古寒暑不輟辛巳冬少宰與予後
先來京師玉成侍其父詣予雖夜分猶分
牋吟詩嗚呼侍其父與侍其父執如是而
已此予聞玉成之變而摧悼無已者也死
之日無以爲殮喪不能歸予子汝誠與其
二三同館友經紀其事云

師門失令器哀哉陽城田總角一摩頂諸子相隨

肩十年歸面壁賦字窮連蟠條冰謝炎熱禪榻寒
無羶戚戚身後事付托同輩賢偶然檢遺劄能勿
一泣然

冷仙亭題壁

清秋扶杖謁丹臺笑問先生一語來若使畫門容
我入見金那得便攜回

題熊氏三瑞圖

吳辰鬱丙舍山脉趨東方梅峯來迤邐分支入豫
章寶林毓深秀迴互水中央協吉符原筮兆基占
後昌造物握休應餘慶鍾善良邱封辨宰木槐柳

松柏楊巍巍大司空定宅山之陽鸞車旣諏日孝
感白鳥翔朱實呈穎穎纖莖抽絳房奇采茁芝蓋
童童垂九光地靈表人傑物華効嘉祥孫枝起拔
地南邦徹土疆吳山龍節駐越水霓旌揚培德承
茲蔭展策樹國坊按圖一徵理此理非渺茫

題金際和上舍秋錦圖小照二首

巖桂花開桐葉疎涼陰一片襲庭除軒窗日午了
無事秋樹根邊愛讀書

笙典珠墳盡意研閉門辛苦事丹鉛華林七略曾
親校咀獵輸君尙少年

題畫

喬木翳流雲微涼散清飈峭蒨各蘊真蕭疎自離
垢獨往時復佳小坐亦云偶便呼竹爲君更倚石
作友地偏致自幽趣領性非徂畫意得倪王詩情
悟韋柳悠然已忘言一笑樹生肘

輓薌林相公

益贊書思獻臯謨密勿陳如何東壁月

用李泌事忽映

西湖濱考行朝常重飭終

主眷申平生感交照老淚灑秋旻

先後登華省聯翩備屬車和門分左牒

行殿接清裾望重枚臯筆人珍庾翼書矢音歸大

雅論次獨慚予

先生手訂矢音集成帙屬予敘次以書致謝有尊製已正席盟手書

語之

家兒隨杖履藥籠備淺苓勤慎尊師範文章拜典

型

大兒汝誠成進士後朝試蒙拔置第二早蒙瓌頌比辱以率更形

愚父子與先生同直祕殿承以李嶠與蘇氏父子爲比先生偶與汝誠論書法曰汝翁愈拙愈老足下書姿性固拙運筆又笨惟臨仿不倦方可換凡骨耳汝誠聞訓卽發憤攻苦凡二年先生復以小歐陽許之先生與諸城劉相公皆以書名自任予一日於直廬偶論後賢書法曰近觀劉梁公子崇如山舟姿態雅飭恐有出藍之想先生笑掩予口曰里名勝母曾子迴車香樹獨不見過庭書譜耶謂予知言 覩縷談諧日餘芬在禁廷

西牛欣有子庭訓式臣規
鰲禁推三筆熊幡凜四
知培扶綿世澤砥礪裕先資
定有恩綸下門才蔚起時

香樹齋詩續集卷十九

嘉興錢陳羣集齋

走筆題蓮溪八景圖

主人家在蓮溪上水色環環勢沆漭春風拂柳試
剪刀斗酒雙柑寄閑賞舍南舍北蒸紅霞問津人
作桃源想榆錢滿地日恢台近局雞豚自來往有
時水閣聞荷香荷花深處人語響青溪忽見雁字
斜蘆荻蕭蕭挂魚網夕陽古寺隱霜林一聲清磬
出方丈朔風轉眼金僕姑雪花片片如鶩掌畫師
蘸筆具四時生意勃勃見長養老夫乘興時作蓮

溪遊芒屨藜杖乞作蓮溪長

醉後戲贈鎮之

敎學師資五六年早驚賦字識連蜷長鬚赤脚真
奴婢不信前身盧玉川

孫婿沈葭士應童子試留宿荒齋口號一首
示之

襖被相留旋馬廳扶鳩攜爾數寒星回思六十年
前事巷柝隣雞欹枕聽

題汪彝士垂釣長卷

憶昔訪老蒼歡然屣爲倒信宿林亭留勝處必躬

導屬題挈龜圖信紙腕一掉

雍正甲辰初夏予以省母假旋經邗上令

祖先生邀予及閑綠殿撰小駐別墅復導遊西曹

蜀岡出名畫索題予手不加點卽席以應

雅好賢恭敬非徒貌托興寫辨鱗寓意會衆妙

尊甫

西泉太守工詩與予友善曾出辨鱗觀泉解琴三圖屬題

彈指三十年令嗣雅

同調月卿澹蕩人趺坐耽吟嘯家兒千里駒遊戲

試垂釣春晴天蔚藍地敞景竚窰沿溪柳眼舒夾

坼桃花笑畫師亦解事命意恰相肖吾衰愧陽晝

時復偶趨造絲綸世在掌用致故人禱

冬日薄暮泛舟郭西夜歸次鎮之韻

閑繙晉帖仿時晴偶泛秋湖一櫂輕年老遊偏成

樂志政平歲稔譜由庚歸林遠鳥差池下待月寒
蟲斷續鳴兩版城門初欲合麗譙霜角起鼉更

昨少保滋圃莊公以視海經過吾郡訪予荒
齋云數日節相望山太保當以公務小駐吳
門可來一晤予如約放艇九月二日會於胥
江行舫索予作詩以紀相逢之雅少保出公
門下末句及之爲滋圃發兆也

一水多情約放舠早聞節相駐秋汀人間名伯兼
郇伯天上文星掌法星張丈殷兄仍舊雨蘭橈桂
楫當行廳相逢便促題新句爲紀清遊寫性靈

纔枉鳴騶笑語迎又乘五兩布帆輕扶藜嘉會人
如菊吹帽微涼氣似醒吉甫清風真好懿南華秋
水更移情他年黃閣調元日門下同官佐太平

附
和韻

莊有恭

每過鴛湖棹越舲夜深猶滌白蘋汀幾時橫海

能超岸八月乘槎屢問星

恭年來八月有
勘海塘之役

愧少

張衡青玉案喜登孫奭御詩廳

孫宣公奭致政
歸置宴御詩廳

謂親故曰白傳有言多少朱門鎖空宅

如公樂

主人到老不能歸吾今歸矣喜動顏色

順公堂何修得人傑山川信有靈

嘉興有還鄉
水上賜詩

有還鄉諺
如約之句

同心倒屣遠相迎兩兩香山步履輕卽事多欣

還各適談言微中醒人醒

時望山師年七十公年七十有九間師來

吳卽買棹自嘉興過訪

在天共應星垣象顧我偏深館閣

情珍重贈言惟志感勉從方寸且持平

九秋訪歸愚尙書里第晤拙修宗伯承惠長

律次韻爲答

偶坐篴輿鯉水邊重陽時節菊花前清秋詩本閒
相證細雨苔紋靜作緣試向此問論會合更從何
處覓神仙山中驛遞如相問爲報新來又一篇

附原唱

嵇璜

閒訪幽居老樹邊忽看騶從在門前登堂握手
無他語小坐談詩亦宿緣十載迴思天上事三
人同作地行仙丹黃林色佳如許尙記先生落
葉篇

觀劇雜詠八首

戍削雲衣綴五銖沙彌十四有工夫木魚聲裏千
聲佛婉轉迦陵一串珠

一寸相思一寸灰黃花滿地碧雲堆莫愁林外斜
暉落自有蘭膏照影來

松舍雲堂舞榭邊爭看小玉在鐙前一雙秋水明

如翦其柰相逢髮已顛

五十年前笑漫遊馬文黑定壓班頭今其弟子年

非盛相見江南正九秋

天津人

清樽初上百絲陳象笏排來字字真我老蹢躅呼

半臂問伊可作侍書人

偶然訪舊作清遊不聽笙歌直到秋今日主人偏

愛客儘教曲部自添籌

從來逝水北流年舞雪回風笑李娟大都只在人

擡舉真賞終推白樂天

花添人面三分白酒似鶯兒一色黃我醉欲歸留

不得滿船載菊作重陽

輓秦樹峯大司寇

舊感三年別新悲一夕深
竟虛臯益望莫罄范韓
心經術傳家事文章蔚國琛
白頭猶嘆逝扶拜淚
涔涔

我病君親劑生還應有期
予於壬申夏忽邁沈疴
先生間日診視幸得生還
昨聞君卧疾縮地不能爲

帝眷虛專席
先生屢以疾辭職
上懸缺慰留
靈根秉夙知幾曾

求大藥一七乞庸醫

檄鼠

舟行將十日頗厭鼠黠所攜卷帙詩草竟
爲所齧予猶憐其饑也勅廚人與以飯竊
見之來就迴顧審視若不敢嚙者然怪之
舟人告予曰鼠善疑懼毒也懼以食餌之
也乃爲是詩

我怪舟中鼠生身亦可哀
捄饑聊與飽對食忽相猜
依水如憑社殘書忍作灰
要知羊叔子不是鳩人來

恒上人與一齋金觀察後先受業於吾郡周
別駕霽堂周沒後三十餘年一齋參藩兩浙

以察吏循行吾郡訪其子分俸入與之襄葬
事復詰上人曰吾官於此而吾師尙滯淺土
不急營墓穴無以勸學人敦三事也子與師
同里閨且習其俗其爲我治之上人衝寒來
董其事爲予言之因紀以詩

觀察清畿望

一齋籍隸京兆爲右族

沙門素業英

上人幼習儒家書長

而能詩善畫

後仍卓錫淨慈方丈

自言游藝日同奉一先生桑

戶期前約麥舟無世情吾衰惟好懿留以待鄉評

熊滌齋前輩八十壽

秦淮江水色如銀明月長庚伴老身大歷齊名推

早達會昌序齒速嘉賓張樊基梁思當日韓范經
綸付後人來往南湖頻握手昇平歲月總如春

家事文章七葉傳南豐兄弟喜隨肩油幢子舍金
縉麗玉筍郎君紫綬聯龍節鸞書承色笑湖雲山
翠入詩篇佇看珍從邀

天錫靈壽趨扶

碧罕前

冬夜解維西指從予遊者王堦鎮之七兒汝
器夜深不寐適案頭有東坡後赤壁賦集其
字各賦一首

凜乎飛鶴鳴葉落木無聲水應人歌去舟從月影
橫待霜客夢寂舉酒夜遊清俛仰時西笑明將何
處行

懷士會客江右集前赤壁賦字同鎮之作

羨子西遊去章江縱所之有懷秋渚月無盡客中
詩托響千山葉流光一酒旗洞簫吹不止露下美
人知

恭和

御製元韻 二十六首

恭奉

皇太后啓蹕幸避暑山莊作

火繖初移七月天選徒諏吉正行畋輕程
警蹕遵前導近輔風光上細旃孺慕長依惟

愛日

慈顏添霽爲秋田匪今伊始昇平樂從此應歌古
有年

降旨免經過州縣賦十分之三詩以誌事

皇仁及所經三之一弗取

指上體恤民艱時巡所

穀順成猶恩免十分之三前歲近畿歉收發帑賑濟出粟平糶諸政並舉猶免徵田租之半至去年既收猶加特恩免半以休息民力今年二麥登百穀稔則遵常例免三以取猶致丁寧告誠以

期與民共承天庥進免三爲曠典何況十之

五年登恩尙加篤念民力苦損上以益下豐樂

庶可覩果然今年秋

穹蒼惠霖雨早得家兒書曰大收禾黍方可冀蓋

藏豈直足二鬴批答期益勤旬宣實責汝昨八月杪臣子

錢汝誠從豐潤縣行解寄稟云數月來周循四路
秋禾較去年尤稔臣額手作信復之且勉以益加
體恤以仰副皇上勤民格天再賡輦路詩五
至意今恭讀御製益欣忭云

備庶草庶採之入屢豐雅頌行當補

賦得石戴古車轍

少陵書所見箋解未鉤元昔有行車轍今存古道

邊此中含至理試問半茫然

灼識無沾滯真言會貫穿豈由兩馬致不獨萬輪
駢似鑿深猶淺如繩斷復連安知石可變不信土

終還曾記玉瑯外蜂窠得異詮

臣曾舟經豫章之玉山貴溪諸山下

見峯腰有緯痕斷續連延十數里訪之居民皆不能答一老翁年九十餘謂曰此古緯痕也臣因誦蘇軾詩云古來篙眼如蜂窠與杜甫詩似有印證御製命題詮註凡註釋杜詩者俱未及此

出古北口

鵲起摩雲趁曉晴一聲畫角聽分明明年年玉塞秋
時節澗草巖花解送迎

雲外秋山山外峯北門鎖鑰古提封關城父老香

花裏仰見祥光擁

六龍

睿情吟詠課奇羸出口新編署北征不獨貔貅櫓
首列百靈呵護也來迎

黃雲千里正芄芄關外秋成一望中始信

穹蒼垂象意要將豐穰答

皇衷

過青石梁

虹勢雲根自屈盤天然綿亘鬱青巒山知

駕幸陰開朗雲擁人行窄亦寬

臣十五年前每扈
從過此從車馬及

肩輿擁簇中不得前亦不得後隨馬足輪蹄得進
卽進任其所之自然踰梁而就平地如雲擁者然
自有秋光添珥筆誰收山色到吟鞍識塗老馬今
猶在一躍曾過未覺難

小金山

要外聲聞悟佛言須彌納芥尙能翻江從地湧山
如畫此是禪家不二門

誰將利劍削芙蓉野鶴橫空入古松但水若皆歸
巨浸此江不信也朝宗

玉驄緩策踏蒼苔此日賡吟召馬枚第一泉邊多
望杏願移

天仗過江來

至避暑山莊駙蹕成什

緩程六日至山莊塞上人家計蓋藏前導

翠華方莅止新秋

愛日正舒長八方就理因時又百穀今登較昨強
莫道山莊尋暇逸萬幾咸仰

一人償

永佑寺瞻拜

神御作

當年

儉德法昇宮十六心傳在執中熙皞萬方沾

聖澤蕩平奕禩仰

皇風承

歡自昔垂深鑒

上幼侍

聖祖

揚

烈於今默效

崇遠至邇安長治日車書敦行見三同

出麗正門恭迎

皇太后駕至山莊

紫塞神京北

安輿自在行計程今日到夙駕一鞭迎養

志惟

康泰逢年樂順成萬方欽

至孝德盛孰能名

泛舟卽景四首

平鋪一鏡是新治汨漉循徐漲綠池

文沼當年成不日至今民力便施爲

秋池氣味自醺醺不獨泉甘雨更甘昨報池添三

尺水楫師本事仿江南

白蘋紅蓼故依依過鳥游魚無是非

幾暇閑吟樂魚鳥由來道體寓潛飛

秋湖輕槳擊流光
島嶼憑他花鴨藏
計日平江行問俗
蘭舟樣處進沙棠

雨中觀瀑

噴薄垂玉龍
百丈何颯纚
助激雨淙淙
迸落林障

裏大米與山樵
合作成雙美

王蒙觀瀑圖米芾雨山圖皆世所稱名筆

得天本同根
注地終見底
棲霞疊浪翻
聲色庶可

擬

臣曾奉

勅遊棲霞於疊浪峯下見瀑沫濺石松濤遞響或庶幾近之

曉

皇勤晷朝乾
求衣於未明
山中無庭燎
更乏塵市聲
秋爽侵曉入
嵐靄微騰騰
靜與仁知會
此際真

絕勝待理每問夜勅幾有常程明鏡無疲照順應
副所呈雖當農隙近敢忘明歲耕無逸本
家法萬方鑒

皇情

翥鶴三首

逸韻翩翩致更軒高秋雲路會飛騫胎仙本自謀
生拙梁稻難忘終惠恩

山人解喚鶴歸來

文囿珍禽亦異哉不與鸞凰共阿閣上清自有列
仙陪

隨意入山飛不遠一聲清吭一悠然亦知瘦影非
凡骨絕似蓬萊舊散仙

雜言

雨中看山山色低晴日看山山色高鴻儒聳肩談
邱索老將祕枕矜鈴韜禮鼠迎客拱而立山雉逢
人嗅而跳影以步移多似此無心遇之皆是矣

秋英

塞上多秋英

天藻繪其美婀娜如佳人幽澹比君子可以傲嶺
秀可以壓湘葢露華裒猩紆晚日射玫紫憶昔扈

從年賞之歎觀止掇英捋其種曾貯行篋裏江南
春繁華塞北秋麗綺

題陳書長松圖

畫松不問種松年鶴在雲中雲上天

天藻賜題孫子和

臣父子皆叨侍從

元韻

遭逢

卽此已空前

春帖子詞

三階輝斗極瑞氣靄

璇宮令轉金雞曉

歲辰在酉

慈雲映日紅

蜚靈六出勒寒梅江國家家望

幸來

天上春光初到日

堯階蓂莢正全開

銅雀一聲天下聞黃雲彌野接祥雲司農京兆同時奏百穀齊登十二分

恭進臣祖臣錢瑞徵所篆瑞日祥雲和風甘

雨章謹銘

旦復旦紉縵縵福繁滋功巍煥

皇承庥兮藹流昌於萬斯年樂未央

風從欲雨知時澤旣濺德亦披

聖則天兮曰茂對於萬斯年樂清泰

正月初九日登舟之武林同諸子作

小立船頭望遠天老年人喜入新年街聲報賽忙
成市岸草先春暖欲烟偶約過從皆弟子無多行
李半詩篇遙知

七校初程路紫陌輕塵上細旃

元宵喜汪魚亭西曹攜席相餉卽用予前韻
以紀詩甚佳急付鐫工附刊續集復疊前韻
爲答

江國連朝釀雪天青旂隊裏過華年

前一日立春

酒深

情話無寒色月上雲霄帶紫烟倚爾庖廚酬令節

借予詩本附瓊篇明朝放櫂迎

鑾去寶刹薰壇尙愼旃

浙省恭建祝於湖南淨慈寺

羣忝領袖

將北上迎

鑾以西曹謹飭屬執事壇中

以埃聖主奉侍慈雲瞻禮

附和前韻詩

汪憲

春風兩夜勒江天珍重春遲爲閨年星動鉤陳

占

啓蹕月明滄海覺生烟河邊曉送迎

恩棹袖裏新題漫興篇迴憶驪珠符

睿賞

恭繹幸未南巡御製詩句意

每逢佳日敢忘旃

椒園觀察餉二物賦謝

午時悞馬隨車日唱遍銅街鏡聽詞今夕清光照

秋水寒燈相對鬢如絲

右鏡

楚俗浮元舊得名微霜輕點洞庭橙當年侍宴

重華日

天造元宵百福并

上曾於元宵節召內廷諸臣宴於重華宮以元宵命題

聯句陳羣得句云一氣雙九轉上取筆信手賜對云元宵百福并時同直廷臣歎為天造莫不欽伏

右元宵

嘉平廿有六日恭進臣祖臣錢瑞徵手篆瑞

日祥雲和風甘雨章二方蒙

恩賜題長律一首敬和元韻

阜財解慍正巡方家用平康俊用章四海咸歸
九等則兆民永賴

一人慶治安已奏猶無逸宵旰惟勤篤不忘申
自

天開麗景時晴時雨樂蕃昌

首春訪歸愚尙書里第約同至蘭陵恭迎

聖駕坐間出示除夕口號長律次韻以正

經學桓榮老愈淹修眉廣顙一雲曇詩篇行世百

千萬

放翁句六十年來萬首詩年紀過予一十三先生長予一十三歲

賜杖雙攜承

眷渥

溫綸同拜被

恩覃從今莫負探梅約林屋叢中

共結菴

十年來屢約探梅未果

附原韻

沈德潛

四序除餘病尙淹青燈枯坐似瞿曇此身剩有
筋皮骨明日俄然九十三學道半途年力邁迎
鑒近地

主恩覃潭山斗柄梅開日可飲清香住草菴

恭和

御製沈德潛錢陳羣來接因成是什仍各書一通

賜之元韻

預擬迎 鑾泗水濱

天顏早覲展尊親 命於姑幕艤舟外同見香山

扶杖人

昨歲秋恭聞 皇上四舉南巡典禮擇於 新正三日北上計程當在山左仰見

天顏尋奉 旨以臣年已八十不令 遠迎可約沈德潛仍在毘陵相見 棧馬嘶風邀

顧盼澗松承露倍精神平江雨足春波濶堪比

恩膏被澤新

上啓蹕南巡所過直隸山東上下 兩江浙各被 恩施視前次更爲

周 浹

恭和

御製賜錢陳羣元韻

典籍唐虞身遇之不嫌霜雪上鬚眉畫圖早入耆

英會扶掖還頒靈壽隨

二十六年冬臣像并

賜杖入朝皆殊命畫師圖

典要以書思供啓沃敢矜翰墨富淋漓未除結習

真成癖耄矣猶賡喜起詩

恭和

御製三和錢陳羣田園雜興十首

自治功疎敢務聲夙知猶恐晚無成

因衛武公詩益自惕勵

萬年一遇

文明聖毗倚臣鄰當友生

早傳花信莫頻催小勒寒梅未放開留待

慈顏供一笑

六龍二月過江來

企脚淵明縛稻柴

用陶潛詩意

每思好夢枕邊來偶然

延客添爐炭自掃莓苔自撥灰

望幸真成寤寐勞朶雲深處首頻搔三年前憶華

胥域頒賜靈瓜玉井桃

和風盈野麥連畦始信家肥是國肥幾夜春燈花

發穗兒傳

天語日邊歸

上冬之杪臣子汝誠稟云昨蒙派扈從許將到浙境准乞數日省親

得見

天顏爲恁遲

聖慈體恤力衰微

首春將啓蹕之時又諭臣子汝誠云汝父年近八十可寄

信弗令遠迎

停雲日日船頭立要借垂雲兩翼飛

矜孱瘦骨本清寒自許身單福不單

予告八旬詠邁軸昇平更覺碩人寬

姓氏詩名挂沈錢鄭公終遜潞公年一雙

賜杖迎

鑾處同拜

恩光自九天

臣與沈德潛在蘭陵恭迎卽日詩一首昨奉旨同晉宮傳復

賜

陳羣一子德潛一孫一體會試

噪鵲聲高燕語低登臨敢說步如飛昔叨賜馬猶

依棧今拜衣垂詠帶圍

四陪父老獻春菘

今年爲皇上第四次南巡第一次臣於侍郎任內派出扈從

第二次三次四次皆於迎鑾日面奉諭旨扈從臣子汝誠三次俱於各部院奏派單內奉旨
派出扈從過里門時仍與在籍縉紳父老跪迎亦異數也
暄負芹將意倍醲

聖主萬年

慈大慶瑤池猶許白頭供

附
臣子汝誠恭和十首

譜出田家擊壤聲

俯賡三荷

睿章成郵筒珍重先傳示飫領

仙韶當攝生

臣每於直所恭錄御製新稿敬謹

中心祇好嘗寄信臣汝誠云年來佩吟睿製
覺老去詩律漸有進悟且體氣益佳勝服仙家
芝術也

約得香山伴侶催東陽春墅棹初開

謂沈德潛

姑胥

地接毘陵近

詔許相將二老來

臣父翹望棹迤北迎

清蹕欲於早春鼓鑾蒙恩曲示優

體

詔於蘇常鄰近之地恭迂

法駕並

諭寄南矣

釜中甕繭沸桑柴夾道村童拾麥來想見明年

豐樂里新筩處處釀無灰

江鄉村釀不用麴造者俗名爲無灰酒

咳蘭采采用微勞

蹕路趨扶敬抑搔錫類

恩光兼錫福歡膺萊舞奉綏桃

臣仰誦 瑤什蒙許列扈從俾遂

歸省之私明年爲臣父八十壽臣汝誠得奉觴家慶皆渥澤所賜也

一犁春雨菜連畦樓外烟濃桑眼肥重對幽風

展圖畫當年人羨侍臣歸

臣父書烟雨樓耕織圖屏風蒙 賜題有

侍臣歸老此居停之句

殊榮特爲慰衰遲參養臣慚報稱微厚祿添將參

飢奉家音喜說步如飛

芹私遠致翠筠寒巖鹿分頒重食單仙脯延齡

天有約壺中歲月與爲寬

臣父壬午之秋恭進天
然竹如意蒙恩賜鹿

肉批答中有服食延年以俟清晤溫旨

家居贏得俸囊錢看徧溪山十二年手採靈芝

歌

聖壽三花合放紫微天

酡顏相照燭光低簾外春風賀燕飛一室團圓

瞻

寶繪蔭濃橋梓碧成圍

臣家曾荷賜
御繪橋梓圖

寫意田園到韭菘

仙毫點染墨華醲惟將感激酬

天藻舁陋吟成職愧供

香樹齋詩續集卷二十

嘉興錢陳羣集

恭和

御製元韻

六十首

恭奉

皇太后南巡啓蹕三疊前韻

歲啓農祥祀用辛乘時布德被羣倫青郊喜見龍
旂轉南國欣逢

玉輅巡敬紹

文謨行體健歡依

慈豫福重申清溫每事皆承

志

宵旰勞心祇厘民豁免賦租單戶感

省觀風俗有司陳瞻蒲望杏村村樂草長鶯飛處
處春江路謳吟霑澤遍海壘擘畫拜

恩新

增築柴塘後隨意加甃條石
各工俾資捍禦見諭旨

翠華所至占豐

穰兩浙三吳望

幸頻

二疏城詠古並論其事

賜金贏滿出青宮置酒鄉間望亦崇往事旰衡發

深羨甘盤傳說是全終

抽身及早不能留若竟甘爲枕石流終古純臣無

忍置可知巢許卽伊周

臣曾和尹繼善詩有巢許不逢臯益輩恐難安穩作

堯民蓋巢許本受知放勳五臣佐治既臻上理方可林居終老耳

勸經壇上正窮經何事懸車旋馬聽若使孝元通
半部西京日月可長寧

于公宅詠古

釋之與定國治獄民不冤冤獄爭不得孝婦命捨
旃孝婦捨一命里民飢二年皇天無此罰卓哉

聖人言積善靡勿報如雨必漑田于公識此理治

門容車軒爲德而曰隱何必當時傳當時且勿計
後世更何論惟良乃折獄佞者何有焉獄疑在誠
求明允益敬虔獄冤致幽譴今古何弗然庭堅邁
種德勿祀任推遷生際

堯舜代慎勿倚私偏

私者有心賣法高下其手固
干重譴偏者畸重畸輕未得

其平豈臻明允臣父子先後
間有詳鞠猶未當者一經
得中歸於平允卽今林居十
餘載清夜思之猶爲欽服

聖主指示莫不輕重

望蒙山三疊舊韻

當年曾此見雲同

十六年春臣陳羣隨
豹尾後過此遇雪

今日賡吟

想像中岱色青青連北澗山谷黯黯過東蒙未逢

五出霏微雪已拂千塍明庶風計日

翠華南指後春畦從此趣農功

檀廬夜雨

計時應得雨如望豈其然霖霖霑

行帳飄蕭入遠田祕鐘鳴處覺清漏滴聲連

天賜春犁澤風光起蟄前

聽松菴竹爐煎茶三疊舊韻

九曲山泉勝醴泉招提又試一回煎篋編舊製傳
都下乳泛新香到佛前

宸翰每同儀鳳翥春風初起籜龍眠添薪續火誰

參得信手拈來妙義全

漪澗堂

見蘇軾詩

外繞紅泉一勺何如竹裏煎石鼎膚

頑歸俗尙月團品貴試風前諸天花雨供簾捲萬
壑松濤醒鶴眠

吟罷幾餘更延佇都籃韻事却雙全

虎邱寺四疊蘇東坡韻

山塘振吳風門戶見峯嶺踞勝斯得名迤邐接閭
井春波環寺門匹練光耿耿風梳馨草木雨潤繁
蠃黽生公昔揮麈說法化頑礦指點有餘閒服物
豈在猛闖廬規伯圖尙力以自騁時聞石澗泉流

出聲鳴哽遙睇笠澤寬浩渺三萬頃烟雲但變幻
風月留清冷東軒想髯蘇翛然吟興永

翠罕適來遊芳甸娛晴景綵旂拂花露蒼嶼含雲
影時邁舉五巡父老稽首請

寒山千尺雪三疊舊作韻

銀河倒瀉匡廬山剪取千尺成斯泉丹崖翠壁不
可上但見噴雪難窮原春撞晝夜未休歇于理變
幻空言詮掌平石上數百斛松長篠密相延緣飛
流濺沫垂淨練下注屈曲連澄淵山寒水寒兩不
敵直訝積素留岩巒瑤林瓊島列衆皴梅花深處

皆藍田凡夫好事存勝跡

宸遊於此一粲然青陽已轉滕六旆匿影猶在泉
石間

石湖八首

鶯啼燕語自相憐澹沲風光畫鷁前憑仗五湖成
勝概烟波一望總如天

行春橋影落中流蘭槳輕撈荇葉浮此日

宸衷成茂對青旗容與不驚鷗

參政歸來畫錦開南岡北垞舊春臺劍南詞客曾

相訪檢校田園日幾迴

南岡北垞見
范成大詩

雜興當年笑偶成詩家遭際亦非輕每於雲罕來

遊日三疊

天章寫睿情

范成大集中田園雜興三十首臣陳羣曾和十首經進御覽丁丑壬午

及今春三次南巡

上俱賜和君和臣詩亘古未有意外之榮臣與成大實同拜奇遇云

玉堤沙淨拂鞭絲柳外花邊小隊移翠色輕風翻

竹母縠紋細雨唼魚兒

一角居然千頃強

石湖分具區之一角耳

上方鐵鳳自迴翔

杜甫大雲寺贊公房詩鐵鳳森翺翺

遙知半晌觀瀾處勝入天台度

石梁

旖旎辰旂薄暮歸新來社燕故飛飛闔閭城外春

巡路一帶霞光列岫微

潏灩清光泛水花越來溪畔漾晴沙團團七十二

橋月佇望連宵滿兔華

蘇郡城外寶帶橋每於二

數七十二環洞中圓光印射每洞爛然現一寶鏡俗名串月好事者至期於石湖行春橋望之洵奇觀也

題烟雨樓

釣鰲磯畔構平臺士庶歡迎

御舫來石鼎體傳

天上句墨光香動畫中梅

前屈陳設盆梅一株上玩而圖之世傳墨寶

乍看雨足春波濶恰喜烟消霽色開此日登臨問

耕織鵲行媿未効趨陪

臣奉 旨先至武林候
駕臣子臣汝誠 賞假省

視是日恭
埃樓下

降旨免浙省所有積欠並經過地方正賦十分

之五詩以誌事

急公乃民職正供媿有逋多寡雖有間稽遲總無

殊下詔槩豁免

皇仁其至乎况復蠲新賦沛澤春雨如一夫不獲
所

帝曰其在予懷保我赤子如傷傷自無省耕遵前
典所過與復除婦孺俱歡顏得賜今年租嘉惠浙

省民俾遂飽煖圖

視塔山誌事疊舊作韻並示地方督撫及司事者

沙漲賴護塘豁如鵬展翼陽侯弱退舍不向金堤逼

六龍再蒞止巡典籌民急春霽雲自移波恬水不立大吏報沙痕較前拓數尺塘實恃以安輦固斯不易海若感

聖誠效順引已責未雨厓綢繆指示早洞悉柴塘且專脩後可甃以石

深官不敢康實爲萬姓策

海塘再疊舊作韻

式遵

前烈固金塘畚鍤臣民盡効良瀾息珠光升貝闕
風恬旭彩繞扶桑

龍旂兩度蒙

親閱沙戶千家得永康牲醴懷柔昭景貺海神供
職自周遑

觀潮四首

親臨觀海上層臺海屋欣傳

黃屋來明庶迎潮成曲折天吳掉尾自盤迴

盈縮天生與月隨鴻濛一氣總如斯卽今海不揚

波日遠帆來朝問自誰

重洋絕島諸國航海通譯而面內者無虛歲

昨於川上知吾道

駕幸泉林得詩二首

遵海今看更不差

觀水於瀾得深旨天機自運有神車

夕汐朝潮皆不息重波疊障必相仍

至人觀化推無始直揭真詮是上乘

元韻字字珠璣第二首推

明化理尤爲神妙

至杭州詣

皇太后行宮問安有作

海上

鑾迴爲閱塘承

顏芝殿慶安康

一人孺慕心誠切萬姓歡呼喜倍常日麗金階瞻

正午春逢閏歲樂舒長明朝

鳳艦初移駐湖面晴波展鏡光

恭依

皇祖巡幸杭州詩四疊韻

六龍四度幸臨安浙水吳山展大觀問俗桑麻頻

駐蹕瞻

天童叟又迎

鑾金堤再仰

神謨遠瀛海中涵

聖澤寬繩

祖時巡同甲子三朝親見萬民歡

康熙四十四年乙酉臣年二十

隨臣祖臣瑞徵恭迎聖祖法駕於吳江道上今年臣政八十皇上四次巡典臣隨至杭州駕於觀海後幸杭州行宮歲辰恰周甲子

策馬登吳山

宸遊得大觀高睇邈今古春翠浮松巖霽色澄海宇碑深蝕苔文路淨掃宿莽俯仰感霸圖剎那爭

棄取徒令負種靈昭然千載覩

聖人樹風聲彰善以爲輔直欲計盈寧豈止耕斂

補

瑞石洞

朝陽浮紫霞萬笏齊拜下飛來自何年化人之所
捨犖嶭欲拏雲寥豁疑神冶仄徑入瓏玲覩平架
廊房時見丁鶴過風輪疾於輶

翠罕爲少紆

振藻珠璣瀉由來山澤精瑞應歸

仁者

題六一泉

寶雲高僧廬巖下鳴寒泉惠勤惠思輩情見坡老
篇方外成把臂故交虛遊延浩歌感秋髯潭影空
淨便至今留公案然乎其未然玉壺照明月千印
皆成圓杭人無遠慕但識通守賢愛蘇兼愛歐屋
烏相推遷吾

皇偶泣止碧藻浮春妍斯泉有斯遇其理可悟焉
龍井六首

壽聖標靈刹

宋熙寧中建壽聖院蘇軾書額

春陰豁洞天布金千

載地引勝百重泉丹壁皆圖畫清音自管絃山呼

迎

法駕一過一悠然

怪石谿訝勢何曾斧鑿勞奇峰時一仰真意自相
遭磴曲深紅蘚松環湧翠濤片雲飛不去

片雲石名 吼

立想孤高

歎瀑寒飛雪空山韻入琴會心娛澹遠得句寄遙
深嵐翠常依戶珠璣欲濺襟

幾餘還策馬不厭屢登臨

蓬壺塵不到咫尺勝仙源樵徑穿雲轉溪流過雨

奔露芽春入貢玉版

名筍

味同論日午傳清磬諸天

無語言

二老嗣風流

用蘇軾過溪橋詩序意

高懷凜素秋澄潭空印

月秀嶺遠迎眸歌嘯山遺響烟霞迹可求往時參

白足何處夕佳樓

風篁嶺側隋時有夕佳樓見湖志

天筆萬鈞強

元音况老蒼名山今際遇此理會微茫犬子遊曾

賜微臣願未償明年茶事盛扶杖看新篁

駕幸西湖四

次臣皆隨從未獲一遊於此臣子汝誠昨曾奉勅到焉

賦得春蠶作繭

得同字五言八韻

上甲風傳早條桑令轉東苑窳徵繭卜典禮待絲

充拜蒞旋歸女觀腰已識雄功能全六德
令必布三宮辭箔行成室躋巖漸就崇經營真慘
澹密麗到邊中冰雪掇淨文章纂組工春三有
忙事衣被萬方同

柏堂再疊蘇東坡韻

初種曾聞隋以前

聖人攬舊一怡然雙株髣髴成仙侶古貌荒唐閱
歲年堂以樹名堂已去柏緣薪化柏猶傳高吟
睿藻題陳迹名理超於文字禪

竹閣

欄檻通幽意洒然蕭閑如到此君軒

蘇軾有西湖壽星院此君

軒

嫩晴屋角鳩呼婦細雨籬邊竹有孫

天筆雅傳兩太守梅花香繞一孤村參橫月落千尋勢試向文同索解言

題林逋蘇軾詩帖再疊舊作韻

銀鈎蕤尾勢盤曲秀句天然奪山綠流傳遺蹟墨色新尺幅價可抵尺玉當時處士占孤山高節清風振凡俗匹如徑寸珠在淵光氣熊熊遠能燭竭來通守慕前賢美斯愛矣如不足遺篇妙墨沁心脾饜飫猶嘗禁臠肉林倡蘇和合璧完遭逢

睿賞爲採錄兩賢出處雖兩途同工不嫌操異曲
芳躅去今七百年逸韻依然在脩竹試將蘇句續
逋詩似把春蘭並秋菊

展癸未書和過溪橋詩卷再疊前韻書卷中

寶地煥

宸翰餘輝被山邱和風拂琅玕逸韻清於秋辨才
結廬處

芝罘會重留苔紋篆古石雲影涵深湫嫩茶吐雀
舌新筍駢貓頭窸窣空山中盎然春氣浮蘇子比
陶令誰分劣與優清修愛元淨髣髴惠遠流逸事

亦足傳曾聞過溪游名蹟邀

睿賞寧有蕪沒憂

西湖晴泛五首

青削芙蓉曉放晴大圓寶鏡湛空明天公霽共

天顏喜一棹春波彩鷁輕

桃花映日泛晨光楊柳隨風拂嫩黃帖仿時晴春
晝永便從湖面卜豐穰

擘絮春雲散遠空金猊香篆裊輕風繞隄花柳真

成繪試問石湖同不同

一堤花柳繪春天
上幸石湖句也

魚戲澄波任所之汪洋

聖澤有如斯上湖恰值清明候應

詔何人是畫師

宋元名畫多有春明上湖圖

一陣東風香滿船木蘭芝蓋湧金蓮校量華樸隨

教罷心賞湖山景物妍

有司製蓮舟以俟上偶試卽罷曰非樸素本懷

再用沈德潛遊攝山十二首詩韻仍令沈德潛

並錢陳羣和之

綵虹明鏡

誰開寺面湖清可毛髮鏡山靈蘊深沉結此福地
勝尋梁一憩止空翠互掩映猛心赴躋攀攝慮窮
幽負娛慰卽在茲衣帶有餘淨循堤偶觀漁悠然

一陶詠

幽居

樂山愜

天懷初步驀其最心遠會幽偏坐貽靜者兌萬笏
瞰林間俯仰自向背小矣探奇人摩挲下堂拜清
籟傳空繆韻澈聲聞界妙諦悟無言徙倚青豆外
般若臺

精藍結雲根嵌空常倚礪化人無著相留此上方
院遺象而信修窮力自成願谷簾石罅通亂迸如
珠濺穿麓滙爲池居然題野泝緬想齊代賢高眄

一真幻

桃花澗

山靜春自妍花繁艷非冶碧澗初生肥流影紅泉
灑空外蒸雲霞深處藏蘭若

宸襟於此怡一到一回寫臣愧曾問津終判仙凡

也

壬午秋曾奉旨遊栖霞衰齡蹙
躃又非花時僅一經過未領斯趣

紫峯閣

飛閣對奇峯天然列屏障旣直方且大具足光明
相艮止自神行坤輿豈人匠巨靈運幽致傑構更
道上細泉碧已涔洄洑勢未放飛霞多卷舒晨夕

各異狀曾延信宿緣端坐猶緬望

昔遊攝山信宿於此

玉冠峯

山靈拜嘉稱秀色上烏帽比玉韞內美切雲本幼
好得名豈近沽譽處匪由釣

天題仰跳龍林鳥同一掃

蘇軾題義之帖有天門蕩蕩驚跳龍出林飛鳥

一掃空

亂頭時復佳峩冠乃神肖長揖禮章甫佛

髻同光耀

千佛巖

靜壽徵

至仁卽山卽心佛神通偶現千名義終歸一真覺

悟如如妙諦豈物物何妨千瞿曇同龕坐崑穴來
印天人師陸海度寶筏結趺依雲根塵埃何足豁

九株松

九松種何年柯葉無改色得地旣遐勝蘊真自挺
特雍容如虞廷揖讓立臣極成周亦九人同拜宣
尼錫望散相與羣冕笏欽遺直盤桓撫其側靜言
如踵息由來

天不壽往往歸平格

疊浪崖

煉石富賸材疊此千疋皺洶湧若波瀾凹凸成起

伏遠望墨濤堆近見銀鞍驟松聲同赴壑雲勢不
歸岫鹿過突而奔鶴踏飛且走時於深浪中長嘯
坐獐狖

萬松臺

青松如端人林立拱而肅

天風噓清寒延賞及梅竹

御製有終古
結三友句

窈窕忘雨

晴峭蒨無涼燠靜移高閣陰翠映古瓦綠笙簧奏
咸韶逸響在空谷

白鹿泉

泔泔濕草根漚漚冒泥滓引脈海眼通卓錫泉流

駛時見雪色鹿高卧雲深裏豈惟藥物滋餘潤餉
數里近泉及早收更博山農喜

最高峯

賜遊曾造顛勉步力堪努諸峯界山田俯視見平
楚支筇聊當車戒僕各迴馬寸帆飛海門匹練帶
江潯笙竽奏疎松崖峒露蹲虎臨風誦

天章高睇邈今古

二十二年

上曾登最高峯作歌俯仰上下極憑眺之勝能使

讀者心枯樹發杈桯老衲傳魚鼓
株蓋千年物僅
目俱快
存枯榦將百年矣乾隆二十年修治攝山樹復活
發條甚茂樹傍左偏佛廬一間有老僧爲臣言
歸卧紫邏間有夢到天姥

聖主四舉南巡盛典紀

恩詩三十首

謹序

乾隆三十年春

皇上舉四次南巡典禮承

慈志從民籲也先是三舉斯典晴雨時年穀順慶

賞行民大欣悅

聖母顧而樂之二十七年三月典禮將竣回

鑾時浙江萬姓咸叩頭願攀留數日泥首路旁籲

請者所至同聲如雷

上鑒其誠諭以三年後當奉

安輿南幸也百姓咸敬應呼

萬歲至是封疆大吏奏請舉行 允焉諭所司各

先備儲峙是年冬直省大吏暨京兆尹皆
報大熟

上額手稱慶爰諏日啓 蹕其前屆已頒

恩旨便民益下者二十餘條件命照例舉行復詳

求民隱於蠲租免賦尤三致意焉俾羣黎
均沾實惠所過臣民莫不喜溢望外

上虛衷延攬猶咨詢無倦具有陳請者必採納施
行去年冬大江以南久晴河水稍縮入春
後雨澤霑足庶草蕃昌河流通暢菽麥早

卜有秋萬姓咸謂

皇誠格

天所致也

臣

忝舊史官趨直

禁近有年珥筆記

事職爾雖精力衰邁不得以不文辭敬仿

古雲吹水調體裁用上下平韻得詩三十

首以進伏惟

聖主訓示

臣陳羣

曷勝懽喜踴躍之至其詞曰

聖治昭回日正中仁風廣扇萬方同東南早切瞻

雲望

天貺三年報屢豐

壬午南巡事竣回

姓懽作原

聖主早舉四次

巡典 上霽顏
領之今果遂民願

祈穀迎年首歲逢

躬親蒼玉與黃琮日諏吉日傳中外侍奉

安輿治具供

此行原爲省南邦畿輔東郊攬俗厯

蹕路經過先示信計程匝月下平江 正月十六啓
蹕二月望

後駐廣陵卽
遡遊南下也

畿北連年晴雨時 畿西北兩年豐稔已
見幸避暑山莊詩 畿南麥秀

亦雙岐 兩年直屬有秋見
督臣京兆奏章

皇恩一例同春至減稅蠲逋樂可支 直隸山東免
本年地丁十

之三又豁免積逋三萬二千有奇穀豆若干石蓋因南幸及之示一體同仁意

九重施惠自清畿徒駭而南達泗沂優老引年還

恤弁所司

頒給聽無違

經過處所老民老婦及應差兵弁各有賞賚

盛世原無封禪書

鑾輿六至聖人居岱宗闕里

皇誠肅德產精微致有餘

旃廬行館略相殊爲奉

慈闈安且都有

詔嘉之仍予直急頒

內府所藏帑

直隸山左所增置行館上鑒其誠而給其賞

皇仁特沛似雲霓施惠應權齊不齊

上洞悉民隱念因灾停

緩之租及借給籽種穀石
概與蠲免窮黎均沾實惠歲首十行

恩詔下今朝歡笑昔灾黎

體恤官人爲大差湔除小過樂靡涯尋常本屬無

瑕者還

勅銓曹晉一階

凡翠華經過執事文武官有被
議應得處分者加恩勿治其餘

各准進
階一級

生長熙朝真快哉老年民婦亦皆哈月糧更有加

恩賞扶杖歡呼聲似雷

江浙民婦七十以上俱依
恩賞給駐防滿兵照應

差兵丁加
給月糧

堯時鵲處舜時巡周室懷柔及百神稽古方行還

述

祖頒茲肸蠭展明禋

鑾輿所指河嶽効靈百神奉職上誠意感孚聿頒

祀典

文明

天子重斯文獻賦陳詩比寸芹遴選亦教存甲乙

也傳

內府錫元纁

迎鑾獻詩賦冊者量頒綬正賞賚

觀海親來第二番下捷護石敞三疊備塘坦水增

修築西浙生靈盡戴

恩

翠華臨浙由石門直趨海昌以示鄭重塘工至意并多指示

南天淨土啓經壇受

祐延

禧慶

萬安孺慕

聖人崇孝治諸天香雨下旃檀

駐蹕及經過處所建經壇奉

聖母拈香諸天同慶

雲繞千峯露翠鬟精廬到處欵仙關衢歌巷舞無

迴避真似伊耆上華山

爲語諸生各勉旃掄才初步玉生烟單寒下士多

增色泮水橋門喜接連

並詔廣童試額添選拔貢士

采風召試振風騷

頒示元音律呂調

召試行宮命題御製示式恭讀者人人欽服遵

上每成

奉爲金

科玉律兩浙兩江多擷秀佇看紅藥發新茗

召試江浙

士子可中書者有差

行宮勝地勅行庖

錫宴猶申上下交鳴豫

君臣當盛世湖光山色入絲匏

碧霄有路首頻搔

天子殊榮爲解條耆碩甘盤皆裕後童孫幼子拜

銀袍

臣王安國臣蔡世遠臣錢陳羣子臣邵基臣沈德潛孫俱賜舉人一體應禮部試

示勗當官獎勸多

帝嘉庸作每成歌感深肌髓榮華衷心版鐫銘永

不磨

上獎勵臣僚輒賜以詩人人感激益自奮勉

恩膏叠沛正無涯恩外加恩更有加仍予田租供

免半歡聲到處樂桑麻

經過州縣免今年田租十三又加恩均增至十之

五

供億無煩更恤商淮人踴躍樂輸將加銜晉職傳

褒語量予遷除荷

寵光

商衆踴躍捐輸命加銜晉級

濟糶先留十萬杭千檣扈從往來輕

聖心體恤多周隱量予增加察物情

添減漕船月糧及扈從船

隻水手工食可謂無微不入

循良姓氏盡書屏通守監司應列星遷轉量才多

擢用綠青朱紫詔

彤廷

上於入疆後加恩藩臬以下各官因地擢用至爲允當焉

苾芬遣祀及諸陵稽典抒誠肅豆登更有明禋旌

往烈忠魂毅魄盡欽承

所過帝王陵寢及專祠如伍員卞壺方孝孺等皆遣

祭官致

清淑扶輿間氣留

一人管領此風流香山居士東坡老僧紹林逋占

上頭

上獎賞風流品題名勝於唐宋詩人逸老三致意焉

蹕路薰風入

舜琴嶧山景物此焉尋一從蘭舫經過後岸柳

堤花被澤深

回鑿由水路進七
十二牖至德州登陸

駱馬分流沛水南風光陽夏隱晴嵐行人多說唐
虞事試採樵夫野老談

漕河夙進水程籤白叟黃童樂就瞻月色如銀清
曉望雲端瑞氣映鈎鈐

春光明媚燕喃喃風送回

鑾三月帆續奏

虞巡告成事

九重錫福萬方咸





